



Centro Nacional Chega!.P

Da Memória à Esperança



KOMUNIKADU IMPRENSA

Centro Chega!.P Organiza Diskusaun Temátiku Kona-ba Relatóriu CAVR Kapitulu-V: Rezisténsia, Estrutura no Estratéjia.

(Dili, 8 Maiu 2025) - Centro Nacional Chega!.P organiza diskusaun temátika kona-ba Relatóriu CAVR (Comissão de Acolhimento, Verdade e Reconciliação)-Kapitulu V: Rezisténsia: Estrutura no Estratéjia. Diskusaun ne'e realiza iha Salaun Konferensia Centro Chega!.P, Antigo Comarca Balide.

Objetivu husi diskusaun temátiku ne'e nu'udar espasu aprendizajen ida ba estudante sira atu aprende istória liu husi diskusaun sira atu bele hariku liu tan sira nia koñesimentu. Diskusaun ne'e mos nu'udar parte ida atu halo refleksaun kona-ba sa mak akontese iha pasadu hodi larepete iha futuru.

Objetivu seluk mak, diskusaun ne'e atu estudante sira bele aprende istória husi memória ema nian nu'udar alisersu ba hasa'e nasionalizmu no patriotizmu jerasaun foun sira nian. Alende ne'e, nu'udar forma ida atu bolu atensaun ba peskizadór sira atu halo peskiza iha arkivu.

Diskusaun tematiku ne'e partisipa husi estudante no dosente sira husi Universidade Católica Timorense (UCT) São João Paulo II.

Oradór ba diskusaun ne'e mak, Eis Komisariu CAVR-Chega! no CVA (Comissão de Verdade e Amizade)/PMAS (Per Memoriam Ad Spem), Jacinto das Neves Raimundo Alves hanesan mos prizioneiru politiku iha tempu Indonézia halo apresentasaun kona-ba “refleksaun kritika ba prespetiva aproximasaun metodolojia no fonte sira ba elaborasaun relatóriu Chega!”. Oradór II, Nuno Chayloro, halo apresentasaun kona-ba “Kapitulu V: Rezisténsia: Estrutura no Estratéjia” no Oradora III, Josefina Moniz fahe esperensia kona-ba “partisipasaun feto nian iha luta libertasaun”.

Entertantu, diskusaun temátiku parte ida husi programa hatutan memória nu'udar mekanizmu ba prezervasaun memória pasadu. Atividade Hatutan Memória ne'e laos deit atu halo prezervasaun ba memória sira ne'ebé akontese ona iha pasadu maibé atividade ne'e halo hodi hataan ba sa-mak rekomendasaun sira husi relatoriu final CAVR no CVA (Comissão Verdade e Amizade) ne'ebé dehan: Utilizasaun dokumentu no narativu istoriku sira hodi kontribui ba justice, paz no rekonsiliaaun, transforma sentimentu sira ne'ebé kauza husi violasaun direitos manus hodi harii fila fali dame, no

memória sai hanesan lisaun aprende husi violasaun sira ne'ebé akontese iha pasadu hodi transforma konflitu sai dame no respeita ema seluk iha sociedade ida.

- Remata -

Ba informasaun liu tan kontaktu:

Raimundo Sarmento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabesele ho deketu Lei n°. 48/2016. Centro Chega! I.P nia vizaun mak: "Sociedade ida ne'ebé inkluzivu, la repete istória passadu nian, moris iha dame, no respeitu ba direitos umanu". Nia misaun mak: "Harii sentru Pós-konflitu ne'ebé prezerva memória passadu nian hodi promove direitos no valór umanu, harii parseria nasional no internacional hodi reforsa rede servisu sira ba implementasaun rekomendasaun sira husi Relatório Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".

Divizaun Solidariedade ba Sobrevivente (DSS) estabesele programa solidariedade apoiu ba sobrevivente no grupu vulneravel sira ne'ebé hasoru violasaun direitos umanus iha pasadu.

Obrigadu!